

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE EDUCACIÓN, CULTURA, PATRIMONIO, DEPORTE, VOLUNTARIADO E PARTICIPACIÓN VECIÑAL O DÍA 21 DE XUÑO DE 2013 ÁS 13:30 HORAS.

Sendo as trece horas e trinta minutos (13:30 h.) do día 21 de xuño de 2013, reúnese en sesión ordinaria convocada ao efecto a Comisión Informativa Permanente de Educación, Cultura, Patrimonio, Deporte, Voluntariado e Participación veciñal, coa asistencia das/os concelleiras /os que de seguido se indican

Concelleiras/os asistentes:

Vocais:

Grupo municipal popular

Santiago V. Amor Barreiro

Mª Carmen Verde Leboráns

Grupo municipal socialista

José Francisco Doval Galán

José Manuel Miñones Conde

Concelleiras/os non adscritas/os

Mª Pilar Candocia Pita

Susana Mallo Redondo

Xosé Anxo Doval Rey

Mª Dolores Fernández Álvarez

Manuel J. Ferreiro Santiago

Alfonso Rey López

Emilio Martínez Carballeira

Ramón García Argibay

Presidente: Don Santiago V. Amor Barreiro

Secretaria accidental: Dona Concepción Vilas Cantelar.

ORDE DO DÍA:

Punto primeiro.- Moción do Grupo Municipal Socialista (nº de rexistro de entrada 10.111, de 17 de xuño de 2013) para instar o Goberno de España sobre o tipo de IVE aplicable a bens e servizos culturais.

O señor presidente don **Santiago V. Amor Barreiro** cede a palabra ao grupo propoñente da moción, intervindo don **José F. Doval Galán** para, substancialmente, expoñer que nun primeiro momento foi presentada a moción e posteriormente se presentou unha modificación no acordo proposto porque lle faltaba “acordar instar ao Goberno do Estado”. Continúa expoñendo a moción, indicando que España é o país da Comunidade europea co IVE mais elevado, e que a moción se presenta coa intención de que o Goberno de España considere que este imposto está a danar considerablemente a industria cultural e que nun momento como este non estaría de mais reduci-lo, para facilitar ás empresas culturais saír adiante. Se están a perder moitos postos de traballo e o único sitio onde se mantén a actividade é nas grandes cidades como Madrid ou Barcelona.

Intervén dona **Pilar Candocia Pita** para manifestar, substancialmente, que o sector cultural é un sector mais do tecido produtivo e isto moitas veces esquecese, se considera prescindible, é do primeiro que se reduce. Se trata dun sector moi afectado pola crise e os membros do seu grupo sempre consideraron a súa defensa, anunciando o voto afirmativo.

Intervén o señor presidente don **Santiago V. Amor Barreiro** para manifestar que o goberno ten unha proposta de engádegas á moción, que consistiría en engadir un punto 4: “que se apoie o sector das industrias culturais e creativas para mellorar a súa competitividade como sector económico e como alicerce para o acceso de todos os cidadáns á cultura”, extremo que resulta aceptado polos propoñentes.

Tras un breve cambio de impresións o asunto, coa engádegas proposta e aceptada é ditaminado favorablemente por unanimidade dos asistentes á Comisión.

E non habendo mais asuntos de que tratar o señor presidente dá por rematada a sesión ás trece horas e trinta e cinco minutos do día de referencia de todo o que eu como secretaria accidental certifico.